

卷之四

大唐開元占經卷之六

日晝昏

春秋感精符曰日者陽之精曜魄光明所以察下天
以照戒昏晦慎所懼也

春秋緯曰右族專權謀為國害日晝昏

京氏曰奸臣盛日晝昏

春秋運斗樞曰日晝昏之異臣為政莫制持專權跋

扈陰騙舒維罪級曰日晝昏

石氏曰日晝昏行人无影至暮不止刑急民无聊生

不出二年大水下田不收

甘氏曰日晝昏鳥鳥群鳴天下國家分奸臣持政期
不出五年中

又曰日故晝昏到暮不出一年大水

京房對災異曰国有謬佞朝有殘臣則日不光暗昧
不明

易傳曰日中見斗日中見星見明其宜也故貶之為
也其救也遠佞諂近忠良修經典閉私道則日為
光明

洪範傳曰日正晝而冥晦者陰反為陽臣下反制君
上也

孝經雌雄圖曰子日晝冥者水溢山崩水灌梁州
在武都酒泉

丑日晝冥者鬼山崩水出灌兗州在濟陰任城

寅日晝冥者虎山崩水灌徐州在下邳琅琊

卯日晝冥者水山崩一曰風山水灌青州在平

原齊國

辰日晝冥者風山崩水出灌揚州在豫章廬江

江

巳日晝冥者龍山崩一曰水山崩水灌豫州禹在
淮揚汝南國一曰禹在淮揚南昌

午日晝冥者水山崩一曰上山水灌幽州禹在日
南蒼梧一曰水灌青州禹在平原齊國

未日晝冥者土山崩一曰水山水出灌荊州禹在
南陽

申日晝冥者石山崩水灌益州禹在蜀邑廣漢
酉日晝冥者鐵山崩水灌并州禹在河西五原

戌日晝冥者氣山崩水灌雍州禹在河內太原一
曰禹在河內京兆

亥日晝冥者岑山崩水灌冀州禹在趙國清河一
曰水灌兗州人民也

日無雲而不見

河圖曰天無雲而日不見三日為大喪必有滅國
甘氏曰八月朔日日不見正月酉日日不見主死
春秋漢含孳曰日不出孺下不出謂曰當出不出則
為天下冥之訛溺絕

日中鳥見

洛書曰日中有鳥見名曰陰德不出六十日兵出從其所向伐之勝若有國王死

按抱朴子曰吳赤鳥十三年日中鳥見三足然魏蜀亡見孫權死

京氏曰日中有鳥見主失明為政者亂

黃帝曰日中三足鳥見者其所居分野有白衣會大旱赤地

三足鳥出住日外者天下大國受其災戴麻森

哭聲吟

太公金秘曰日中鳥見者君咎双鳥見者將相逆入開者主出多為動者大飢水旱不時人民流在他鄉救之法寔倉庫奉賢士遠佞邪察后宮任有道赦不從則災消矣

孝經曰日無暈而鳥見所宿之國亡絕

晉書惠記曰元康六年六月日中若飛燕者積數月愍懷太子崩

高宗曰傍氣菴曰日中鳥見其國君死亡期不出三

年

荆州占曰當以月十四日候日中有氣如飛鳥其地无居者

京房灾異曰日月薄赤見日中鳥將軍出旌卒此不祥必亡

日中有雜雲氣

黃帝占曰日中有火氣光見者其國左右大臣歆反叛

春秋潜潭巴曰君德鷹揚君臣和德道廣則日含王

字

日中有王字者君有德象日光所照無不及也

石氏曰日中有立人之象君慎左右患

荆州占曰日中有人行者臣害主兩主爭客勝有三
人天王必更

青氣入日如老公黑帽黑衣杖刀立日中從日出
至食時不罷君失位

青氣入日狀如兩鳥重立日中從日出至食時不
罷日无精光夷人為王上治失位河水湓流

京房曰祭天不順茲謂逆日中有黑子又曰臣不掩
君惡令下見于百姓百姓惡君則日變中有黑子
皆日出入時也

命鈞曰偏任权柄大臣拉法則有青黑子

甘氏曰日青赤掩日不有戰必有亡國

京房曰日中有黑雲若青若赤若黃乍五乍十乍三

主天子崩

晉中興書曰升平二年十月丙午日中有黑子如卵
少時而孝宗崩

大和四年十月乙未日中有黑子明年海内公廢

太公陰秘曰日中有黑氣若一若二至四五者死陽

中伏陰君害臣上出者臣謀君旁出者君誅臣不

出者宮女有憂昏見在臣晨見在君救之法輕刑

罰出死罰節威权安百姓貸不足則災與禍消矣

又曰日中有黑氣者若一若二若三四五者教令

不行三公為乱爵賞不平不救者臣誅君子謀父

救之法任賢直信道德退貪邪輕刑罰察奏糾恩

刑戮則无害

又曰日中有黑氣見君之過見而臣不掩故日不明見變不救者主有廢救之法承順天地中用明堂則無害矣

洪範五行曰人君有過故不晨上法則日黑居側大如彈丸

荆州占曰日中有黑氣大如桃李者臣蔽主明

何法盛曰大興四年二月癸未日中有黑子

永昌元年十月辛卯日中有黑子是時中宗罷幸劉隗抃耀威福有傷君道王敦目之托晉陽之季

兵逼都輦禍及忠賢故日有瑕也

寧康元年十月己酉日中有黑子如李

二年三月庚寅日日有黑子如雞卵二枚

十一月己巳日又有黑子大如雞子是時列宗已長而康獻后以從嫂臨朝寔傷君道故日有瑕十

三年二月庚子日有黑子大如李

十四年二月辛卯日中又有黑子

二十二年十一月辛卯日中又有黑子是時會稽

王以母弟專政故日有瑕

京氏曰日有白雲貫天下有白徒之聚三年至其黑
雲天下有謀不成
候日无色其中有赤氣大如瓜踊躍為人君絕命
也

京房妖占曰赤雲貫日狀如建鼓无謂守威有扈下
此云啟之所攻也

荆州占曰赤雲貫日如達鼓三年不雨

日生牙齒足

春秋感精符曰夷狄內侵戰兵將用則日垂牙奉足

其發必于輔政擅威福

却萌曰日有齒足則其國謀反

甘氏曰日足白有破諸侯王

石氏曰日有白足有戰者破羅期將軍死

洛書摘竒曰日始見赤足主見伐名臣及輔相奪

感精符曰日赤足主破殺主使並相伐

春秋緯漢含孳曰日赤足君走赤足為火時有赤足

數十下江下地則君必出走

春秋考異郵曰日赤足有吳兵者日足白而殺者王

按宋鈞註曰足動也喻臣也日色赤而為足是臣下

奪主勢而與兵也白金氣故殺大臣也

河圖曰日兩足庶雄起

日有彗芒

孝經雌雄圖曰日彗者君有大德天下大豐

高宗曰日上芒如烽火國主失土

春秋緯漢含孽曰日垂芒戰爭謂芒角則戰也

洛書曰日有氣而芒色黃白潤澤是為陰光天子有

喜有德令赦

夏氏曰上黃白芒君福昌不得王色而有憂

日刺

孝經雌雄圖曰日刺者為有氣刺日中也謂下賤度

上心知其是非如預行之也一年有殃臣之犯上

也日大色黃最所極甚則衆陰惡氣近傍則賤度

上心為刺在左右為歆東惡左右為歆立王在上

為歆撫王在下為歆易君若此之變君急貴躬自

悔考過執事甚其是非以洽王治也

日刺甲乙父子求父子求恩也

日刺丙丁君臣相疑改政也

日刺戊己后妃有害君左右

日刺庚辛將欲反

日刺壬癸宦者有傷

日大小

春秋漢含孳曰日大則所見之方君昏消小則奪大

曰大于常則无光君無明聖也

小曰小于常則奪威勢也

春秋緯曰日大則獨立勢不出日小則以漸侵

石氏曰日消小者所當國君死

京氏曰日小主賞賜不當

春秋緯曰赤帝之滅日消小

日分數

孝經內記曰日分割君失七

合誠菑曰君蔽臣則日出乃數

春秋漢含孳曰日數國數謂日分四五分則國分也

矣

京氏曰日中分不出五年國亡

孝經雌雄篇曰日中分天下分為二

京氏曰電奪日光日中分破軍滅國一曰陰勝陽臣

勝君兩敵相當客勝

洛書曰賢人失位讒臣進忠臣退政煩民擾則日分

為兩死救徒王氏叛

邢氏氣占曰日中分為二國王死分為二見有烏居

其中爭主死

荆氏占曰日中分為二所含國亡

孝經曰當紂之時日分為二破為兩已上者主盡國

破

荆州占曰日分為兩以上有徒王

感精符曰群臣爭則日裂主偏任日亦裂為五

春秋緯曰日毀為五帝將殺漸起偏任

孝經內記曰日毀為五此謂帝失天下戮上中也

春秋緯曰日裂主諫臣爭

尚書中候曰夏桀无道殺龍逢威皇崩怀乱曆綱殘

賊天下賢人逃則日傷

京氏曰日無半則國破亡兩敵相當

荊州占曰當以正月三月及八日視日光無壞者天

下有兵一曰喪

春秋緯曰日之穿可貫机音脫

日夜出

河圖曰日夜出是謂陰明割剖國分

墨子曰昔三苗大乱大命殛之日為夜出

苗巢子曰三苗大乱妖日宵出

尚書金縢曰日夜出者紀綱滅大臣專政威权奪元

大臣賊其主奪其邦其救也親人賢退驕佞慎四

時布恩惠赦天下則日夜出不為傷也

一曰天下大飢

易緯曰日夜出億謀合國隹处亡逆處易主

孝經內記曰日夜出明臣賊其主奪其家又曰兵起

天下大飢荒

日夜再出三年君死國亡

京氏曰日夜出是謂陰反陽不出二年天下見兵不出一年有大水在所見之處其國天下不安

又曰日暮而出是謂陰天下見兵

京氏曰日出于夕人君不祥社稷亡

却萌曰日夜出是謂陰明有國者亡兵起天下飢以

日命其國日夜出角宿四夷十二諸侯妾党

荆州占曰日宵出是謂明絕内伐不昌不出三年有

大乱日夜出北斗見天下兵悉起

日夜出不出二年天下有兵水出在所見國

常昭洞記曰漢武三年有四月有物如日于夜出三

年春河水溢于平原大飢人相食聞越園東醜遣

嚴助救之聞越走

日當出

不出當入不入

春秋漢含孳曰日當出不出儒下當入不入

日再出再中

石氏曰日再出為彥光其國君死若不有兵

漢含孳曰日復中夫庶起

京氏曰日再中帝王穷

按帝王郊祭志文帝時季恒平上言曰日再中居填

之日却復中乃更以十七年為元年

淮南子曰日出復入日入復出

京氏曰日入復出日出復入主降臣日出復下日夜復高日入復見為近天下大乱所謂反者日出復不入復高日入復見

金櫃曰日出復還者居失其柄舍法度用私意不任官職而好其治則日反日还者為日出而復下下而復高无故當為大乱不軌背叛不從其勅正心固一修古道守正法无忒業則日還不為傷也

感精符曰主驚惧則日入復出

京氏曰日暮入復出天下亡

漢含孳曰日曜則是復反景移位之度起曜謂日下入入更曜此果後秘反景者日反也

春秋緯曰曜如則曲徙天不駭擾无君桀

孝經曰日已入而光所照兵起

日墜日流

洛書曰日徙天墜有道之君王天下无道之君走漢含孳曰日流則提擊流謂累如赤珠數十在日下

此則兵提擊西東也

春秋緯曰日流則君王滅以流洎並奪

日出異方

京氏曰日出于午天子失國

甘氏曰日出于巳天子失明令不還行

河圖曰日出西方以母制

日並出

春秋運斗樞曰五排公侯收猾起莫能匡則日並

照河圖曰日至照月不消山吐泉火燒林候禍合移

禍兩日照天下民飢

潛潭巴曰兩日並出地裂水不流

詩緯推度曰災逆天地絕人倫則二日出相爭

京氏曰兩日併出諸侯有謀是為滅亡天下用兵無

道之臣奉兵亡

兩日並出天下爭王先滅亡視在方

孝經緯曰夏時兩日並出

論讖曰桀為无道兩日照夷山殺龍逢誅父兄

博物志曰桀之時費昌天河見二日在東者焰之將

在酉者沉。昌問馮夷曰何者為夏何者為殷夷曰西日為夏東日為殷桀將亡乎于是費昌歸徙其族于西歸商

京氏曰兩日並出是謂正月假主爭明天下有兩主日並出無道之臣為君爭功德先奉兵者昌後舉兵者亡

荊州占曰兩日俱出以上是謂亂明亂明出天下大亂家有親_三歆同謀上皆成刑不出三年五穀大貴一石直千錢國大亂兩日以上為當候出天下

有災夏以日亡

尚書考靈耀曰晉帝之三_日並照

晉陽春秋曰建武元年三_日並出現台令史諫章曰三分乎

巫咸曰三日並見于房心下不出一年天下治有桀地三州者

京氏曰三日並出大臣爭奪王政

又曰三日並出不出三旬諸侯爭為王孝經內記曰三日並出者國君必亡其位有人在前

後宮中司人君即亡也

荆州占曰五日並出其國有滅諸侯有七地空邑水

大出不則其年大兵若大喪

春秋緯曰五日並出天子黜

一曰數日並出必有兩主相爭

京房曰二日三日四日五日並出此謂爭明天建興

四年三月江東初聞愍帝亡問群臣並見五日一

日正中央金在四邊夏族曰天下多天子所怪

也

汲冢書曰胤甲居西河天有孽十日並出

淮南子曰堯之時十日並出焦禾稼草木人民無所

食

堯使羿射之中其九鳥皆死墜其翼

日重累

孝經雌雄鬪曰日重累

甲乙皇太子重殃

丙丁大臣折傷

戊己后妃失御為祟是也

庚辛將卒軍奸大行也

壬癸君政暮露而下不掩救也變下光下者亡滅之事惟有賢君良臣除大惡革新朝掌尊卑如此則消却變袞害伏也

日閉而暈蝕

黃帝曰凡日閉以日中三足鳥見為正月閉也常以日出食時候三足鳥不見者不為閉也

京氏曰兩日閉天下爭王

日閉法如雞閉相搏當視光滅以決其事

金櫃曰日閉者人君內无明听邪臣爭權

日閉者無精衆人見鳥其中无咎救期六十六日王者亡其土地其救闕四門來仁賢授分取責躬則閉不為傷海中占曰日閉月蝕主病眼偏枯口舌咽喉心腸

京氏曰日閉常以日出至食時以閉下時鳥見六十日王者亡地後鳥不見不為閉

凡日閉不及三年不有拔城大戰齊燕多水

京房曰日赤黑以閉者其國分不出三年中食人大

大小民飢亡

日閉黃者為中勝中國強

青者為左勝右國強白者為右勝左國強

赤者為前勝前國強黑者為後勝後國強不勝者
將有殃

京房對災異曰日閉或赤或白或蒼或黃虎入邦此
謂守邑破亡周君以此亡

數日俱出若閉天下兵大起大戰

石氏曰白日與黑日閉其國相攻天下有兵不出三

年大飢

春秋緯曰赤日相盪血滂君臣无道行乱橫

京氏曰日閉有變暈日蝕君死日皆傷兵起

呂氏曰乱國之主衆莫邪氣蓋積則蝕閉

按尚書璿璣曰桀時有日閉蝕太公金櫃曰三苗時

有日閉也

日以十二辰閉

雌雄鬲曰子日日閉者李氏歆為天子

魏氏曰子日日閉者李氏竇氏歆為天子

雌雄屬曰丑日日閉者趙氏敬為天子

魏氏屬曰丑日日閉者趙氏敬為天子

雌雄屬曰寅日日閉者姚氏敬為

魏氏曰寅日日閉者鄧氏敬為天子

雌雄屬曰卯日日閉者張氏敬為天子

魏氏曰衛氏張氏敬為天子

雌雄屬曰辰日日閉者也氏敬為天子

魏氏曰宗氏王氏敬為天子

雌雄屬曰午日日閉者劉氏敬為天子

魏氏曰馬氏郭氏敬為天子

雌雄屬曰未日日閉者朱氏霍氏敬為天子

雌雄屬曰申日日閉者陳氏敬為天子

魏氏曰候氏敬為天子

雌雄屬曰酉日日閉者陳氏敬為天子

魏氏曰周氏敬為天子

雌雄屬曰戌日日閉者閻氏敬為天子

魏氏屬曰孔氏劉氏敬為天子

孝經雌雄屬曰亥日日閉者秦氏敬為天子

魏氏曰秦氏君氏款為天子

日月並出

感精符曰后妃專則日與月並照

春秋考異郵曰日月并照數月俱行或小或大滿不

消其下必有殺君城邦女主持政大夫亂綱夷狄

內侵天下威兵

京氏曰日月並出為並明天下兩有主立

氣占曰日月并出見是謂滅亡天下兵起國將亡

一曰日月並出君臣相爭兵在內

日月兩見是謂有兵飢

日月並出相去二寸臣下作亂滅其主

魏氏曰日月並見者君為臣臣為君其世亂民相殘

孝經內記曰日月兩見若十日之日不大兩兵在內

起及外

荊州占曰日月並出是滅亡天下有國者亡

洪範五行曰吳之亡也日月並出其後越滅吳臣欺

君夷狄凌中國

荊州占曰日月並見是謂日月爭光大國弱小國強

不出三年兵起歲惡風雨不時

日月並出是謂死喪吏人會聚以大義主

魏氏曰日月並昼見者君弱臣強臣伐君為天子

日月與大星^並昼見

洛書曰是謂爭明大國弱小國強有五侯王者

日入月中月入日中

春秋感精符曰君亡失陽事也

日月相干

石氏曰日入月中並不見九十日兵大起

易曰金鐵貴三倍十二旬而止

日入月中女主病不則將軍司馬凶

一曰日在月中后妃死

荊州占曰日見月中者不出三年人主亡

月入日中亦然

孝經內記曰四月入日中臣賊其主奪其家

石氏曰月入日出見國滅后妃持政

大唐開元占經卷之六終

大唐開元占經卷之七

古歛程扶世校正

日冠

石氏曰有氣青黑立在日上名為冠

王朔曰日氣者間也冠者如半暈也法當在日上如

淳曰有氣在日上為冠

魏氏曰冠者居有私事在南宮中

高宗曰日冠者有喜氣從冠外入從中出有喜氣者

謂氣王相潤澤也

甘氏曰日冠天子立侯王不出三年

孝經雌雄圖曰日冠謂臣權有君上也進所受復不
損害忠良復不損專主威復不損邪行私復不損
上政衰復不損謀為非冠也謂不以礼自知也上
不知也

孝經內記曰日上冠者君與兄弟姊妹私通

雌雄圖曰日冠甲乙天子欲養仇丙丁君臣相反
不逆上上不能止息也戊己妻党貴寵極也庚辛
帥將僭號欲為奸賊也壬癸寒賤暴貴

日戴

石氏曰氣在日上青赤名為戴

王朔曰日戴者形如直狀其上微起在日上為戴
者德也國有喜也

高宗曰重戴天子有喜得地若有所立

日珥

石氏曰日兩傍有氣短小中赤外青名為珥

釋氏曰日珥者在日兩傍之名也珥言似耳在兩傍
也

如淳曰氣在日傍直對為珥

王朔曰珥耳也珥者人也珥者近臣也珥者親近之
人也珥者當如耳也

甘氏曰日朝有珥純白色為喪間赤為兵間赤為憂
間青為水間黃為喜日朝有珥國有行進之事其
不行凶能成

董仲舒曰日交而珥兵大出

荊州占曰日夕有珥赤黑白有大客日交珥象一弓
象兵皆起軍在外者罷

孝經內記曰日珥赤兵白喪青憂黑死黃有喜不出

三年

日珥人主有喜為拜將軍若有子孫一曰有風

却萌曰日珥人主有喜兵在外亦有喜

洛書曰日珥而張者人主有憂歆听歆外

荊州曰占日珥北方以反三方必有疾雷

石氏曰有軍日有一珥為喜在日西，軍戰勝東軍
戰敗在日東，軍戰勝西軍敗南北亦然無軍而
珥為拜將

孝經雌雄圖曰日左珥者君有陰私事與傍妻為如

在兩宮中欲立摘亡群日日左黑赤珥夷人起兵
外降附之

雌雄圖曰右珥者君有重宮婦人陰事私廢

夏氏曰日左右有黃白珥君下赦

王朔曰日珥等兩軍相當無相奈何

京氏曰日以春一珥人君听事日兩珥且有大使一

兩珥焰如光為人君有喜

摘玉碎曰日有兩珥无對豪傑恐逐自

洛書曰日兩珥中赤外青色黃白潤澤天子喜珥中

有赤雲貫日有名之人死

京氏曰日有三珥人君有女子憂日出四珥將軍亡

日入四珥有大兵日朝五珥國憂兵起夕珥臨日

兩傍必有大客來言北方之事

孝經內記曰珥有四天子大喜

石氏曰日有四珥天子拜太子立王族

甘氏曰日有珥四天子有子孫喜期不出三年

日有六珥命曰大提六十日必有喪若赤雲日下

有亡國

日抱

漢書曰氣如半環向日為抱
蔡伯喈曰烝見于日傍內曲向日為抱
京氏曰氣青外赤內曲向日月為抱
者衆多也兩軍相當順抱者勝王朔曰氣向日暈
狀而短則為抱者苞也苞者附也抱者近臣也
抱者和親也按其色占之抱黃白潤澤法有赦期
不遠

孫氏瑞圖曰君賢得土地則有黃抱

京氏曰氣抱日為和見者其臣欲親者
石氏曰日抱隣國臣佐來降抱氣青赤在日月傍為
其分若王者有子孫之喜

援神契曰黃氣抱日輔臣納忠

孝經內記曰日光潤澤有抱國昌

高宗占曰抱傍有黃氣如人像人主有賢佐臣天下
夏氏曰日有兩抱齊皆以戰抱先衰者敗日有兩抱

外欲自親人者至有喜

日傍有黑抱戰勝死軍有欲和親者

高宗曰傍氣圖曰日有三抱天子喜天下和平色赤
黃白皆吉若有親者日四抱天子有喜皆將相向
若有來和親者

孝經內記曰日四傍各有重抱四方附信也
夏氏日暈圖曰日傍抱五重再戰順抱者勝

日背

京房曰日中赤外青曲向外名為背

蔡伯喈曰氣見于日傍外曲曰背
石氏曰背氣赤而曲外向為叛象其分有反城

日有背臣反若迎將去善防之
夏氏曰日背者大夫卿歌為王

孝經內記曰日兩傍背有反者日四背有兵起以
宿分占之

太公兵法曰日四背見軍在外有反者摘亡群曰日
四背天駭擾大將起在中野

感精符曰日背出天下分裂臣子得志主上弱
春秋考異郵曰諸侯反五背刺日

日璃

石氏曰氣青赤曲向外中有一橫狀如帶鉤名為璿
如淳曰氣刺日白璿

孟康曰日將蝕先有異氣也

王朔曰日璿者失也璿者臣下走也璿者臣下急

也形如背狀微小而鉤則為鉤璿者諫也為乖

離也

夏氏曰日傍有璿大臣有去者不去有德令也

雌雄圖曰日璿者此變最劇敗傷君者也致威上有

之微禍從君不禁不起在左右禍從臣詐主在上

禍從后妃在下禍從臣專政從為自用橫為暴多

无奸臣通

春秋考異郵曰臣謀反璿刺

孝經內記曰日傍一璿万人死其下

夏氏曰日璿有兵者罷无兵者起

感精符曰日傍四璿並政不一日九璿起后之人並出

五行傳曰昔周之將亡璿刺日後三卿分晉而滅其

祀

呂氏曰人主自恣不修王德一通天暴物妖禍並起

地曜瑠日反光地曜瑠氣上刺反光日景見南又
上光盛元能見其輪體及至光中午上體見光微
汲時却忽然暫明亦如灯將滅而光忽暫明熾自
古以來將亡之國必生暴君虐主其君必大蕩其
志使窮以驕盈而神焰如來而故反光以反光深
戒之也

日直

石氏曰日直色赤火余正日月之傍名為直其分有
自立者

夏氏曰日直者王直在日上下左右直臣自立也
直在下光色潤澤有立侯王直者義說也

日有黃直君立臣青赤直臣自立

日傍有一直色黃白潤澤有立侯王者

洛書曰日有一傍直方欹自立侯王二傍直二方欹
自立三傍直三方欹自立四傍直四方皆欹自立

侯王

孝經曰日傍有一直蔽在一傍欹自立徒直所擊者
勝

日傍有兩直其色潤澤有侯王自立

夏氏曰暈圖曰日傍有二直欹自立者其色中赤外青不成

高宗曰日傍氣圖曰日有二重直在左右臣有謀欹自立

洛書曰日四直者是謂四強色黃白潤澤天子有喜

安足無兵國多幸臣使王色青天子有夏亦有兵白民多喪黑主死國分

是六日交

王朔曰日有交者青赤如暈狀或如合皆或正直交者偏交也兩氣相交也或相貫穿或相背也交主內亂軍中不和

石氏曰日交人受瑤氣

京氏曰偏交在日傍從交在日傍從交所擊者勝甘氏曰常以九月上日景候日傍交赤雲其下必有

兵

日提

夏氏曰日傍有赤雲曲如車如蓋提日名扶提不出

其年有自立者以宿占之

荆州占曰日傍有白雲曲而向日其一者居東方其

一者居西方名曰提不出其年中有自立者

孝經內記曰日有赤雲如車輪或二或四案簡有二

雲皆背日或向日當如車其背向皆外提外臣背

其主期六月一月不出六年王者亡地其曲向日

為內臣背其主二提期三十日至四提期六十日

至

日傍有赤雲如車輪四曲向日名曰兵提不出其

年有自立者以宿占之

甘氏曰日四傍有赤雲曲而向日名曰四提

荆州占曰提猶耳也不出其年中兵起王者死一曰

亡地有自立者

孝經內記曰日四提不出二年大兵大將出亡五谷

小貴一倍三十日止大雨不占

京氏曰四提不出二年有大兵大飢

高宗日傍簡曰日六提國君當之

京房曰日六提天下亡布貴天下亂五十日至

董仲舒曰殷時有雲居日左右曲布向日名曰日提
占曰不出六年太子不利必有立者高宗感之修
德昌祚數百年可謂災消而福至也

日格

甘氏曰有青氣橫在日上下者為格也格者格闡之
象也

日履紐纓

洛書曰日下有赤黑青氣是謂履氣交日下為纓或
曰紐也天子有喜有臣反從外來者天子之象也

黑水之精者赤臨是謂水火相薄故吉天子喜水
者陷言有臣從外來反氣小在日下而向上為纓
交曲左右為紐

日承

夏氏曰承者氣如半暈在日下則名為承者臣承
君也為君臣相承有喜吉

高宗曰日下有黃氣三重若抱名曰承福人主有吉
喜且得地

冠戴紐珥抱背缺直纓虹刺

鴻範傳曰日抱珥重光以見吉祥之事君獲賀福祿
降

夏氏曰日冠而珥人主有喜且有所立者期不出三
年中

洛書曰日平曉而冠有兩珥色黃白潤澤天子有喜
听言立王色青憂白喪黑死所以然者平曉至食

時為王兩珥有所听黃白而設喜立

王朔曰日冠當有兩珥甚尤吉

魏氏曰日冠右珥者邦東有善人出為位

雌雄圖曰日冠左珥君為父母私相知

孝經內記曰日左珥冠者君東宮私婦女之事

石氏曰日冠右珥者邦南善人欲為政位

魏氏曰日冠左右珥者君與群女婦姊妹私通

日冠纓上下者邦南社有善人出為位

日冠左右珥者天下有喜

雌雄圖曰日紅冠者君兄弟婦女私相知奸淫

洛書曰日戴而冠不中日者名為婦一名離踈中赤

外蒼色黃且潤澤天子有臣暴幸者色青以音幸

赤色兵幸白與赤者主失用所以然日者天子之象也色黃白潤澤是謂附故言天子有喜不日中故言附上有戴故言有暴幸陰陽不和故言失用也

日兩珥有直出珥中中赤外青色皆黃白潤澤天子有珠葆喜立王侯所以然者天子之象珠者陰之榮也直者輔也黃白潤澤故言天子有喜葆直有立侯青有憂赤有兵白有喪黑者水也

高宗日傍氣圖曰日戴珥人主有喜天下和平有所

立

日重戴左右珥天子有喜得地若有所立

孝經內記曰日出而珥戴天子有德令一曰有賀喜

事

雌雄鬲曰日四傍有四珥外左右有二抱者子孫

昌

天官書曰日抱且戴喜

孝經援神契曰王者德至于民則日抱戴

京房曰日一抱一背為破走抱者順炁也背者逆炁

也兩軍相當順抱擊逆者勝故言破走
洛書曰日抱有一珥色皆白潤澤中赤外青平曉至
食時見天子有喜曰中至日入色蒼白為憂為有
人從外來者有喜事者不可信三抱重有兩珥正
方色皆黃白潤澤天子有喜是謂大和抱者親和
之象也珥方者兵之象也

高宗曰日抱兩珥下有黃炁如月名曰遺德有太子
喜无炁天子喜

日重抱在左右人主有喜

日有重抱兩珥人主有喜

夏氏曰日重抱中有瑠順抱擊者勝主軍中有欲反
者

重抱且背順抱擊者勝得地若有罷師

春秋渾付曰人主修名無誠主外方語內懷負心驕

蹇自恣不謁忠稱何毀所增日背瑠青亦不明

洛書曰日背而內瑠色中青赤黑故言水主大臣反

故言天子有憂外赤中黑故言大水相伐必主反

臣從中起天子死

京氏曰日月背璣其国有反者

日背璣在日之南及其三方者其国有反臣

易緯曰日背璣重累小人畧地夫人爭時

雜罪級曰日背璣不言內乖惡

摘七群曰日背璣并出顛倒相貫屈天子滅下作禍

春秋緯曰末之世有后通放擅權背璣刺日垂其耀

光有此則亡引也

感精符曰君臣乖錯不和則日背璣

高宗曰日傍有一直赤炁如鱗在上近欲自立也

日有二背一直大臣謀欲自立

甘氏曰日四璣是謂大役軍衆在外有反者

孝經內記曰日有四黃璣其國內亂有兵起若有背

叛

日有四背璣炁如大車隨者四人主不安大國日

不出一年大車貴一背有反臣三月兩下

感精符曰日四背璣臣射主

魏氏曰日傍有二直三抱有自立者不成順抱擊者

勝殺將

日纓左珥後宮出位喜

雌雄鬪曰日冠紐左珥者君與舅母私相通也

日冠紐左右珥天下有言喜五逆皆除

日冠纓左珥後宮有喜

日冠纓右珥後宮出位有喜

日暈冠纓左右珥天下大喜除刑

雌雄鬪曰日紐左珥者為兄弟私相知

孝經曰日冠紐者君與青衣私相愛敬成立為妻也

在宮

耳氏曰日戴珥天子有賀喜抱以為和親抱亦親多

抱珥見教國家權喜而和

日戴且珥天子有子孫昌期不出其年

夏氏曰日戴兩珥有德令

日重抱、中外有璫而珥順抱擊者勝破軍、中

不和不相信

孝經內記曰日傍有重抱其一傍有抱、右有背戴

順抱者勝

高宗日傍氣曰日有一抱一直一珥人主有喜且有

所立

石氏曰有背璫四直交在中臣欲為邪色青中赤外有芒刺則為逆其色赤中青外无芒刺則為謀數見則國家凶

向日為抱背日為直背且抱有欲為者順逆明勝格枯久勝疾若有白虹攻戰徒抱擊之者勝芒外者中人勝芒內者外人勝皆以象數為法

雌雄鬪曰日上有剋三重日下有虹下行正直長犬不出一年立故貴人絕后者其年小熟物小賤歲

有兵一年中天下不安

夏氏曰日抱旦兩珥一虹貫抱中日順虹擊者勝殺將

日抱兩珥旦璫一虹貫抱中日順虹擊者勝二將有相去

日重抱有三白虹貫抱中日順虹擊者破軍將二虹殺大將一虹殺偏將

魏氏曰日重抱左右一珥有白虹貫抱順擊勝得一將有三虹得三將

高氏曰日一背一直有赤雲如捲道臣欲自立二背
一直大臣欲自立

雌雄鬪曰日刺冠重累並出也見者是臣弑君子弑
父之變也可不審察之也

見于東方父子自為之

見于南方君臣為之

見于西方親戚將卒為之

變在君者多赤變在臣者多青變在邊夷者多黑
白天生大賊五色錯亂

大唐開元占經卷之七終

大唐開元占經卷之八

日暈

石氏曰日傍有氣員而周匝內赤外青名為暈

夏氏曰日暈者運也

如淳曰日暈者逸也暈者圍也

一說暈者軍營衛氣也營君也

蔡伯喈曰氣見于日傍四周曰暈日暈為纏歷行也

爾雅曰奔日為蔽雲

郭璞曰即暈氣五色覆日者也釋名日暈卷也氣在
外卷結也

春秋感精符曰一失陽事則日暈

石氏曰日暈者軍營之象周環匝日无厚薄敵與軍
勢齊等若无軍在外天子失御民多反叛

班固天文志曰兩軍相當日暈苛力均也

甘氏曰日月背兵戰不合若兵罷

洛書曰日出而暈必有取主不乃有師破

石氏曰日以庚子暈有敵令

河圖帝覽嬉曰正月日暈兵春起不勝

一曰日以正月若五月中有九暈以上道上有熱
死者

一曰多死人

荆州占曰日有朝夕之暈是謂失地主人必敗

三暈軍分為三

夏氏曰日暈潤黃濁黑搖為風雨且惡不動搖有憂
病不則有暴惡病令

太公陰秘曰日暈明分中赤外青外人勝中青外赤

中人勝中黃外青黑中人勝外黃中青黑外人勝
外白內青外人勝內白外青中人勝中黃外青外
人勝中青外黃內人勝

日暈黃白不聞兵未解青黑和解分地色黃土工
動民不安色黑有水陰暈勝盛色白有喪色青疾
病色赤大旱流血千里

京氏曰日暈有兵在外主人不勝宜客

太公兵法曰日暈始起前滅後匝而後成者敗面之
勝

日暈周匝東北偏厚為福東軍在東北勝西南

戰敗

孝經內記曰日暈而明天下有兵、罷死兵、起不
戰

洛書曰日暈明人主有陰伏之謀

京房曰日暈若井幹若車輪二國皆兵亡

石氏曰日有暈不出旬有大風糶貴十倍人民多疾

病凶

河圖帝覽嬉曰日暈中赤外青群臣親外赤中青群

臣內其身外其心

日有黑暈災在用事臣

高宗曰日暈蒼黑女主有憂

京房曰日有黃暈一重人主有喜

洛書曰有青暈之候一本日青暈不出旬大寒羅大

貴外長三錢一歲五見羅五倍六見羅六倍不止

不出一年民相食之多疾疫所見之國必當其咎

也

日有黑暈之候不出六十日有大水傷五谷敗人

室宅所見之國糴費十倍三旬止一歲見此者四

海有役民不得守其鄉死无收葬

礼斗威儀曰君乘水而王其政升平則日黃中而赤

暈君乘水而王其政升平則日黃中而黑暈

君乘君金而王其政象平則黃中而白暈

君乘火而王其政象平則日黃中而赤暈

孝經內記曰日有白暈之候一本日白暈不出九十

日有大暴兵粟大貴三倍歲多暴風春雪霜民多

病其野犬多狂所見之國尤多其君不安

日暈三日无兩大風起兵若土工各當其星占九
日月傍有異氣抱珥強帶虹蜺背璫纓紐格履之
屬三日內有大風二日內有大雨灾解不占
日有黃圍之候風雨時農由治一歲數見旦大安
所見之國吉不出三年

洛書曰日有赤圍之候不出終食必有大雨雷霹霍
殺牛馬人民天下不同獨有所見然後候必有大
暑道无行人圍候者日與辰星俱是共度不出而
生圍數如此者不便肯人數有圍候歲十餘王者

不安大臣生事不出二年中天子亡紬布貴後一
年蚕不為繅絮四倍民大寒見此垂戒

日方暈連環暈

高宗日傍氣曰日方暈而上下聚二背將敗民散
日暈方如井幹天下不和
日暈環而聚君死西邊亞出也

荆州占曰日暈連如環為兩軍兵起君爭地

日暈而珥

京房曰宮中多事后宫分爭七日不兩審察宮中

日氏曰日暈而珥主有謀軍在外、軍有侮

日暈而珥如井幹者國忘以亂有大兵反

日暈而珥合在軍中一珥一國二珥二國三珥三

國同攻是國也

日暈而珥聚在傍貴人有罷者

荆州占曰日暈而珥天下有五侯王

日暈而珥于暈上將軍易

太公兵法曰日暈而珥主有謀十日不兩起

石氏曰日暈而珥合國有謀反以春暈有四珥人君

更令

日暈右珥者王侯有喜人君有私事在後宮

洛書曰兩敵相當

日暈兩珥平符俱起而色同平無相集何色厚閏

者賀喜

日暈兩珥君有喜一曰衆在外有大事

日暈而負

夏氏曰日負者青赤如半暈狀若暈上則為負、者

位也得地為喜

京氏曰日暈重有四負殃大國乱若三日大雨不占
孝經內記曰日暈負且戴國有喜戰從戴所擊者勝
得地

日暈冠戴珥抱背瑠直提虹蜺雲氣

孝經內記曰日暈且冠戴又有反炤于上日有戴赤
青長四五尺右左上下有氣各一丈許不出九十
日有五王不出百日有大赦糴貴十倍大豆尤甚
貴

日暈有冠而珥有纓貫珥中下交日下天下有名

之臣死不出三十有赦

石氏曰日暈且冠且戴天下有五侯王若自立者分
必益土

日暈且冠王者有拜謁若五諸侯德令四方天下
大赦

太公兵法曰日暈冠三珥天子有喜或為大赦或拜
大將暈軍

高宗曰日冠珥紐人主有喜慶且有所立不出本年
中

京氏曰日暈戴抱珥其色皆赤內青外清明即國家
有吉賀喜

洛書曰日暈且戴而暈兩傍有氣皆如珥形中赤外
青是謂珥璧一名霧成色皆黃白潤澤有獻璧
玉寶者陰之榮也黃白潤澤故言天子有喜

夏氏曰日暈而珥有一抱所圍城者在外人勝
有軍日暈有抱為順貫暈在日西軍勝東軍
大敗中赤外青若在日東軍大勝西軍大敗南
北亦然

孝經內記曰日暈中有珥一抱所謂圍者在中中人
勝

高宗日傍炁圖曰日暈珥兩抱天子且有慶一抱喜
至氣黃白赤皆吉也

荆州占曰日暈而珥背左右如大車輪兵起其國亡
城人死滿野而城後歸

京氏曰日暈有四珥各四背滿期六十日群臣有異
謀者有急事閉關不行使天下更命三日有兩不
占四背白氣十其端青赤亂是起兵臣下兵弑

其君

石氏曰日暈有抱，為順在日月之傍王者有喜子

孫吉昌政令行

洛書曰九占兩暈相當必謹審日月之暈氣知其所
起止遠近應與不應遲疾大小厚薄長短抱背為
多少有無虛實久亟密疎枯澤相應日无相柰何
者

故曰近勝遠疾勝遲大勝小厚勝薄長勝短抱勝
背多勝少有勝无實勝虛久勝亟密勝疎澤勝枯

重抱大勝無也抱為和親抱多親者益多背為不
和分離相去背于中者離于中背于外者離于外
凡分離相去之相親疎赤中外青以和相去青中
外亦以葱相去

太公兵法曰日暈抱珥有喜氣

日暈黃者主人有喜事

日一暈一抱一背為不和信者更逆不信者順

夏氏曰日暈有重抱後有背戰順抱者勝得地

高宗曰日暈兩抱天子有喜天下平和其色赤黃白

皆吉有和親

日暈四抱天子有將相治

向主者來和親

甘氏曰日暈抱珥上將軍易

京氏曰日暈背氣在暈中此為不和公離相去其色
青外中赤忠臣命受主有所之兩軍相當軍中人
欲降叛于外也

董仲舒曰日暈而背君臣俱危主失節

太公陰秘曰日暈有背大臣有叛者或曰左右欲有

走

石氏曰日暈而背兵起其分失城

日暈有背為通有降叛有反城在日東有叛

在日西有叛南北亦如之

有軍日暈有一背為通在日西東軍大勝西軍

大敗若在日東西軍大敗勝東軍大敗南北亦如

之

高宗曰日暈一背臣弑主

隆安元年十二月壬辰日暈有背獨是後帝不親万

大德堂
机稽也子元顯專行威罰

義興六年五月丙子日暈有背瑠是時盧龍逼京都
戰于郊

孝經內記曰日暈上下有兩背無兵，起有兵，必
罷

日暈外四背瑠所謂離于外者外臣有離去者日
暈中有四背瑠其背端尽出暈者反從內起

日暈有瑠裂地立王

魏氏曰日暈四背在暈內名曰不和必有內亂離于

中

夏氏曰日暈，中有兩瑠又半暈臨日有反臣起中
不成

京房曰日暈而背四如大車者四提設其國衆在外
有反臣

日暈直氣貫暈中日其色將失順其氣攻破軍

高宗曰日暈一背麗陣貫之大臣欲犯其主

石氏曰日暈中有瑠氣瑠為不順與背同人臣不忠
而外其心君臣乖離其國兵起有逆臣

日暈有直氣在兩傍其国有自立者若立諸侯
一曰王者封賞左右

日暈四提必有大將出亡者

高宗曰日暈清明一傍直有立王侯其色青外赤內

潤澤者上所立也

魏氏曰日暈有二直欵自立者明者立若黑不明者
死

日暈有一直一背欵自立二直二背欵自立三直
三背欵自立有四直四背背欵自立也赤中青外

不成

夏氏曰日暈有直珥為破軍貫中日為殺將

高氏曰日暈兩直一背有反臣

京氏曰日暈而直剋三重日下有橫行虹行正長數
丈不出其年有反者貴人絕後有兵飢

光武七年四月丙寅日而日有暈虹貫暈在畢八
度畢主邊兵秋隗囂反侵安定

荊州占曰日暈而珥赤虹貫直其國分者受其害
石氏曰日暈有抱背珥直而有虹貫之者順虹擊之

大勝得地

日月无精光青赤暈蜺背瑠在心底中是謂大盜
兵喪並起王者以赦降外

玄冥曰日月暈背彗孛虹蜺在箕兵起後宮

日月暈虹蜺彗孛在尾兵起于宮將交趨走期百

八十日

黃帝兵法曰日月暈仰視之須臾當有雲氣從傍入
者急隨雲以攻之大勝

太公陰秘曰日暈有五色雲如杵貫日從外入外人

勝從內出內人勝敵知姓字白者商赤者徵青者
角黑者羽黃者宮

日暈有聚雲在左右色黃白吉青白兵黑白內亂
青赤和解青黑流血俱明者未解兵不歸明者大

勝

甘氏曰日暈有聚雲不去者兵起

日暈有聚雲外入不出三日國城圍

夏氏曰日暈有氣從暈外入者兵得入雲氣從中出
者兵從中出貫日以宿占之

日暈有青氣從中出四有圍城、中勝有直交三
有敵自立不成

日暈有青雲從外四貫暈有圍城外勝中

孝經內記曰日暈有青雲三從外貫暈戰客勝

日有白氣從外向內刺外人勝圍城拔

高宗曰日暈下有青雲如死蛇屬暈主大將死七

五音侯曰日暈合氣如人在暈中偕日者臣叛不脫

日暈不合者叛臣不得脫

石氏曰日暈有白雲如車蓋臨上城降得地

高宗曰日暈有赤氣如劍臨之其國兵起

日暈傍有赤氣如節如旗之狀在外名曰蚩尤之

旗兵且內起

日暈有黃氣承之得地不出三年中

日暈兩珥而下有黃雲人主有喜期百二十日遠

年中

孝經內記曰日暈赤氣貫中屬日臣賊主赤甚者為

用兵不甚者為用藥陰者不發人莫知之

日暈有虹貫暈中順虹擊者勝殺將

京氏曰凡日出虹暈主分地日入虹暈諸侯分地黑者以兵分地白曰者以喪分地也

荆州占曰日暈而白虹奸而屬城之東，升地之南，升地城之西，升地城之北，升地四方皆紆而四方地足謂人主驕溢期不出五年

夏氏曰日暈二白虹貫有客戰勝

日暈有虹貫暈不中日戰從賈所擊之勝得小將
日暈有白虹貫從虹所擊戰勝破軍殺將
耳氏曰日暈而珥有雲穿之者天下名士死

日暈而兩珥在外有聚雲在中與外不出三日成圍出戰

高宗曰日暈兩珥而下有黃雲人主有喜其期在百二十日遠在年中

感精符曰日一暈兩珥有立雲貫日出國多妖孽
洛書曰日暈而兩珥立雲貫之國主大疾
春秋緯曰日暈有兩珥黃雲貫之不出三月貴人有死者

魏氏曰日暈有白虹七貫暈以圍城主人勝城不得

拔

孝經曰日暈有氣如牛入居暈中不出三日而寇入城

京氏曰日暈不合有雲狀如牛在暈外來入暈中臣服奸叛

日暈有氣如毛羽臨日不去國有大兵憂

日暈有四銳氣如峰四出国君亡

高宗曰日暈有錦文氣潤色從暈外入者有文書喜至從中出者王使出喜事也若枯乾不明者奉事

憂

王朔曰日暈有錦文之氣在暈中君欲遣使文書大行

日暈有錦文之氣在暈外，文書來

五音候曰日暈氣如人在暈中向日忠臣受令在暈外向日外臣受令一曰使臣使臣還得其王色有喜不得王氣有憂

日暈卧人氣在暈上其下破敗

臥人氣在暈中君有憂臣暴死

日暈臥人氣在暈外臣有憂主死

日重暈

魏氏曰日重暈中赤外青有臣謀邪不成

夏氏曰日重暈攻城圍邑不拔天下有立侯王不則

伐城

京房曰日暈再重有德之君得天下

石氏曰日暈再重其分戰有功

日有青暈再重主后親戚在內為亂王者有憂

河圖帝覽嬉曰日暈三重外青中濁不散

孝經內記曰日有青暈二重者其災在春內親用事

甲乙暈者所見之國彫殺草木五穀不出十日中

有兵起所見之處者用事弱亂故日暈青三年乃

止

大唐開元經卷之八終

大唐開元占經卷之九

候日蝕

京房日蝕占曰日之將蝕也五龍先見于日傍青龍
 見于日左以春蝕赤龍見于日上以夏蝕黃龍見
 于日中以六月蝕白龍見于日右以秋蝕黑龍見
 于日下以冬蝕欬候此龍見日蝕法當以五寅日
 候之

春以甲寅夏以丙寅六月下旬以戊寅秋以庚寅
 冬以壬寅此所謂五寅也

置盆水庭中平旦至暮視之則龍見欲知何月孟
月以仲三月以以季三月以孟欲知何日蝕龍以
上旬見日以朔蝕龍以下旬見日以晦蝕龍以日
出見日以出蝕以日中見以日中蝕龍以晡時見
日以晡時蝕以日入見日以日入蝕

春秋合誠圖曰日之將蝕陽微陰漸其成君蔽臣恣
下壅塞九引先出日乃毀息

解曰陽日也君也陰月也臣也漸猶入也君微弱
故陰氣入日是主闇蔽臣下壅塞君恩化使不施

行也九引先蝕卒日也日將蝕破滅必先氣引出
見祥焉也

常經以効類垂萌法至尊陽精魂

常經重崩上十二月所祭者也故至冬至夏至入陽
氣陰注布貞精明魄權成其尊也

感精符曰日將蝕必先青黃不卒至漸消也日光沉
掩皆月所掩毀傷雌為政伐其雄

京氏曰日失魂者將蝕月失魄者水所謂失者日光
精移處若有兩日也

璇璣鈴曰北斗第一星率色數赤不明亡日兩日蝕也

感精符曰日紫色出二十日以上則蝕既禘必合

石氏曰日月以二月八月出房南過其度其衝日月

以晦蝕出房北過其度其衝日月以朔蝕

郝萌曰辰星受制不見輿鬼乃日蝕

歲星辰星逆乘張左右角皆為日蝕國有不刑之

大變

荊州占曰諸日變皆旬望以上旬十日望十五日其

冲月皆應當蝕乃災成正月日色變來年七月日蝕是也

韓揚曰熒惑南去列星間從四舍以上期百二十日

日蝕

候日夜蝕

易萌氣樞曰日夜蝕者火中无影言日當夜蝕建八尺竹視其下无影蝕不可見故以表候之耳日所以夜蝕者人君諱其過臣下強君不能制見臣之過惡反以為喜見臣邪僻反以為正直故日夜蝕

陰道盛陽道微日夜蝕者謀臣誅

日薄蝕

河圖帝覽嬉曰日月赤黃无光命曰簿破毀傷命曰

蝕

孟康子曰日月无光曰薄

京房曰日月不交而蝕曰薄

常昭曰月氣往迫之為薄

日月蝕皆于晦朔有不于晦朔者名曰薄此人君
誅不以理賊臣漸舉兵而起雖非日月同蝕宿時

陰氣盛犹掩薄日光也

釋氏曰日月虧日蝕稍侵虧如虫食草木也

謝承後漢書曰江夏黃琬七歲祖瓊為魏郡太守梁

太后詔問之日蝕之状未能對琬跪而對曰何不

言日蝕之餘如月之初

谷梁傳曰日有蝕之吐者外壞蝕者內壞闕然不見
其壞有食之也

毛詩曰彼月而食則惟其常此日而食于何不臧

考異郵曰麟龍閉則日月蝕

淮南鴻烈曰麒麟閉則日月蝕

五經通義曰日蝕者月往蔽之君臣反不以道故日

蝕

漢含孳曰臣子有謀日乃蝕

考武大元年十月辛亥日有食之時有張五虎路

六根符謀反諸葛品誘斬之滅其凶黨

連斗樞曰人主自恣不循古逆天暴物禍起則日必

蝕

礼斗威儀曰君喜怒無常輕殺不喜戮无罪不事天

地忽于鬼神則日蝕

淮南子曰君失其行日薄蝕无光

京房曰下侵上則日蝕

河圖帝覽嬉曰日蝕所國主疾貴人死用兵者從蝕

之面攻城取地

又曰日三蝕三雄謀日四蝕四夷謀

春秋感精符曰再失陽事則日蝕謫見

日蝕有三法一曰妃黨恣邪臣在側日黃无澤則

日以晦蝕其發必于眩惑二曰偏任權柄大臣耘

法則日青黑以二日蝕其發必于酷毒三日宗党
犯命威權害国則日赤鬱快无光色則日以朔蝕
其發必于嫌隙

班固天文志曰古人有言曰天下太平五星循度无
有逆行者日不蝕朔月不蝕望

洪範傳曰日蝕必以朔非朔為薄蝕陰盛侵陽其君
凶不出三年

日蝕皆合朔不當蝕晦蝕晦者陽行遲陰行疾君
舒臣騙之異也

京房曰君謀罰不理臣下將起則日蝕不以朔晦
感精符曰日之蝕國絕亡

春秋緯曰君不聽明无知德威令不嚴舒懦為臣下
所侵則日光青赤其後久旱地動搖宮陰氣盛下
臣大恣橫陽精批奪日行失度不得則日月薄于
晦陽為臣所悅故以晦日蝕之失行也

洪範天文日月度占曰春秋魯昭公二十四年夏五
月乙未朔日有蝕之周之五月建辰今之三月也
魯趙分也魯太師梓慎曰將水叔升孫昭子曰旱

也日過春分而陽猶不勝陰能无旱乎是秋魯大旱九二至二分日有蝕之不為小災水旱交作而已也

易萌氣樞曰昭明蔽塞政在臣下親戚下朝君子覓悟即雜氣失以星奔日蝕為咎

漢成帝建始三年冬十二月戊申朔日有食之其地未殿地震日在須女九度占在皇后貴妾其後許皇后廢趙飛燕姊妹乱宮皇子出王氏專權

易通卦驗日蝕則害倉王道傾側故日蝕則正人主

之

通詩推度災曰日蝕君傷

孝武大元二十年三月庚辰有食之二十一年九月庚申帝崩

詩含神霧曰日之蝕帝消

漢安帝永五年正月庚辰朔日有蝕之本志以為正旦王者听朝之日也蔣太后攝政天子守虛位不得行其号令盖陽不克之象也

晉威帝咸和五年三月人戌朔日有食之是時顯帝

已長幸同徒弟猶出入見王導夫人魯氏如子弟
之禮以人君而歆人臣之妻有虧君德九年十月
乙未朔日有食之是時顯宗克當親万机而委政
大臣君德无施也

春秋潜潭已曰故日蝕之敗或地殿血或天兩蝗鳥
旁飛龍群閉長人入宮哭雉巢列宿戒皆之校効
之徵也

日蝕之後必有亡國弑君奔走乘離相誅專政排
主戒兵車天下昏乱邦多邪臣

魯昭公十五年夏六月丁巳朔日有蝕之魯晉分也
後二年魯昭公六卿專晉三家擅魯昭公奔走
之應也

漢高帝三年冬十月癸卯晦日有吳齊分也後二年
齊韓信徙封楚王其年廢為侯而誅之應也

晉中興書曰太和三年三月丁巳日有蝕之五年七
月己酉日有蝕之皆海西被廢之應也

晉元帝大興元年四月丁卯朔日有蝕之明年大寧
三年十一月癸巳朔日有蝕之在斗斗吳也其後

蘓峻作逆

安帝元興二年四月癸巳朔日有蝕之其冬桓玄篡

位

合誠圖曰日蝕之主見賊

春秋保乾圖曰日蝕主行蔽明壅塞改身修政乃黜

不法又曰日蝕治亂

公羊傳曰日蝕皆臣弑君子弑父夷狄侵中國之異

變也

魯莊公十八年春三月日有蝕之衛齊分也後狄人

滅衛齊桓公救而討之應也

二十六年冬十二月癸亥朔日有蝕之燕分也其

後山戎病燕齊桓救燕北至孤竹平山戎之應也

三十年九月庚午朔日有蝕之楚之分也其後楚

世子商臣弑其君父

魯文公元年春二月癸亥朔日有食之齊分也後十

一年間狄三侵齊十四年昭公卒其弟公子商人

殺其君兄子而自立四年齊人殺之大亂之應也

五年六月辛丑朔日有蝕之晉分也此正陽純乾

之月陰氣未起而能侵陽之灾最重明年晉趙穿殺其君靈公而周匡王崩之應也

魯襄公二十一年秋九月庚戌朔日有日蝕之楚分也

後十二年楚公子圍殺其君兄而自立之應也

光武十七年二月日有蝕之二十年五月胡虜數犯

上党銅鞮右

又扶風二十一年匈奴大入上谷郡之應也

洛書曰日蝕復生者日光復故也從日食生地擊商

破之

荊州占曰日蝕之下有敵國破大戰將軍死有賊兵作乱

魯成公十六年六月丙寅朔日有蝕之晉分也是月魯侯代鄭戰于鄆陵楚師大敗恭王傷僉日將軍子及死之晉侯時豫驕多殺大臣明年晉大夫欒書中行偃遂弒厲公大乱之應也

洛書曰日蝕不祥善惡各為其國

魯昭公七年夏四月甲辰朔日有蝕之晉侯問于士

文伯曰誰將當日蝕對曰魯衛惡之衛大魯小公曰何故對曰去衛地而入魯地

註云衛地承常也魯地降姜也日蝕自于承常之末降姜之始及息以禍在衛大魯小也

傳曰子是有災魯實受大咎其衛君乎魯將上卿八月衛侯卒十二月季孫宿卒

魯僖公五年秋九月戊申朔日有蝕之楚周分也其後楚莊王觀兵于周有問鼎之應

漢高帝三年冬十月甲戌朔日有蝕之燕吳越分也

後三年燕王臧荼反伏誅復以盧縮為燕王亦反

伏誅南越王趙佗自稱南帝舉兵反之應也

洛書曰日月蝕當用兵擊之君安日月蝕不可出兵

軍日蝕之歲不可出軍月蝕之月不可出軍

甘氏曰无道之國日月過之薄蝕兵之所擊國家亡

且有喪

日陽精文明耀魄室其氣布德而至生本地在曰

德生數類也德傷則亡故日蝕必有國災日食

則失德之國亡日日蝕修德

日薄色赤黃其月旱

京房妖占曰日蝕無道之君當之

外交之蝕且不虧而地犹明是外謀也專政之蝕日明缺至陽雖侵光犹明是司馬舉兵歆大起

日蝕諸侯相侵白青明君弱

日蝕国有兵大戰從西方來勝

日蝕王為君蝕相為臣蝕因為罪人蝕死為夷狄蝕休為民有兵從陰所來日蝕後必通水在陰

所來在于五年之內主有火焚屋宇之灾

漢和帝永元二年二月日蝕三年騎都尉射憂等征匈奴破之

安帝元初三年日蝕京師旱武陵蛮夷燒宮寺

桓帝永康元年日食渤海水益殺人十二月丁丑帝崩

晉武帝大康七年正月甲寅朔日有蝕之

乙卯又蝕詔曰邦之不臧寔在朕躬公卿大臣極言其後大尉亮司徒舒

洛書曰日蝕從蝕所擊大勝

王朔曰日蝕兩敵相當從蝕所擊之大勝殺將

日蝕早晚所至

甘氏曰日出至早食時蝕為各食時至禺中蝕楚禺

中至日中蝕為周日中至日映蝕為秦日映至日

晡蝕為魏晡時至日夕蝕為燕日夕至日入時蝕

為代皆為不出三年當之者國有喪

日始出而蝕是為无明奔越受兵一曰止地

日始出而蝕大人出兵趙燕當之近期三日遠期

三年

太公兵法曰日中蝕海內之兵大起王公憂

石氏曰日晡蝕兵將罷兵不起

魏氏曰日入而蝕是為勝明大人出兵起兵當之

日蝕從上起

感精符曰日以上蝕者子為害

甘氏曰九日蝕則有兵日蝕從上失道君之國當之

也

京氏曰日蝕上者君為其偽佞人而安用之故尊卑

失礼貴放尊者故天見亡君之象
九日蝕從上失臣

郝萌曰日蝕上皆為貴在君其青則弱于任善生怨
患赤則君无礼不好季

黃則君欺其下掩臣美白則弱于誅惡生肌讎黑
則簡宗廟鬼神

日蝕從中起

甘氏曰日蝕從中央起內亂兵大起更立太子
司空璿上言曰正朔之始日有蝕之益陽節過而堅

冰未消

按經義曰日君道也父道也君子道也陽勝陰氣之
常令陽冰不消陰氣盛陰盛者臣擅主權也孝道
不修也後宮過度小人在位也

劉向曰日之異莫重于蝕故春秋日蝕則書之也
日蝕者下凌上臣凌君之象也

日蝕數者其亂衆稀者亂亦稀

人君失序亨國不明臣下務亂群陰蔽陽則日月
薄蝕闇昧起背瑯縱橫則亂交爭兵革並行

天官書曰諸侯作亂日蝕昼晦
夏氏曰日蝕出軍折傷後疾病
荆州占曰蝕當其國君王死
周平王五十一年日蝕平王崩

高帝九年六月乙未晦日有蝕之周秦分也是時漢
都長安都東及洛陽為畿內明年四月帝崩

漢文帝二年十一月晦日蝕

帝引咎責躬奉直言省徐費闕籍田除誹謗妖言
之罪後四年四月晦日蝕七年六月己亥帝崩應

之

哀帝元壽元年正月辛丑朔日有蝕之不尽如鉤明
年哀帝崩

愍帝建興元年十一月先晦二日丙子日有蝕之十
二月帝崩晉于虜庭

咸康八年正月己未朔日有蝕之京都大雨郡國聞
是謂正朔王者惡之六月而顯宗崩

京房曰日蝕內者君即朝臨政厲心為治不疑臣下
以邪亂君政故天見亡君之象故臣當之

日蝕從中中青赤外黃國亡又曰中人為亂

郝萌曰日蝕中皆為內有伏謀青則謀者止赤則謀

兵事黃則謀成者受誅白則事竟黑則逆謀成其

事

鴻範曰蝕貫日中央上下竟而黑臣弑君從中成之

形也

荊州占曰九日蝕從中者人君有聚于同姓國君遇

賊

日蝕從中起受兵一曰所當之國有兵一曰臣謀

君

日蝕中央空王死期三年應以善事則灾消

日蝕從下起

甘氏曰日蝕從下者王室女淫自恣此臣下當有動

衆與師行軍又曰失于事將當之

感精符曰日蝕從下起妻害急

京房曰日蝕從下起失民人君疑于賢者為不肖不

用其政教故天見亡民之象也以人君尊天將亡

君心先喪其民蝕者侵削之意也

日蝕從下起人多死一曰下人為寇

郝萌曰日蝕下為責在民青則民相譖後有疾疫虫
災亦則眾庶上借強乘弱後有旱災黃則天民飭
宮室爭土疆後有土工皆奪主光戒年筭白則民
相賊害後有小兵黑則小民多怨後有水災期三
年應

日蝕從右左起周蝕四傍

京房曰日蝕光清无雲三日乃蝕己天鳴蝕左右
此臣與君爭美尸大功日君也所以有功者我也

心生暮意起之蝕也後九年臣謀君六年成

日蝕左為噬嗑火燒民

日蝕從傍起者為兵從其方起黎庶為亂

日蝕從右傍者君親作惑道虎狼之行也

日蝕右皆為費火燒諸侯必有異灾起

郝萌曰日蝕左皆為責臣責則臣專恩赤則臣无礼
于君

黃則臣侵君上白則臣專橫黑則欺君失臣

日蝕右皆為責在臣青則佐公則作惡赤則佐公作

福黃則放其君

白則佐公作刑黑則臣作威

天鏡曰日蝕從右傍者淫女暴為主后當治丘塚傷

害人民百姓怨

甘氏曰日蝕從傍起失于令當之

河圖曰日青黑以傍蝕之臣之害

感精符曰日蝕傍者臣欲作禍之應殺君亡國四夷

入侵遠期二十七年中期二十九日近期不出九

個月

郝萌曰日月蝕皆為責在妃青則女疾衆妾欺君奪

主榮怨害爭寵內患

赤則后夫人乘君損主白則衆妾怨妬

黑則君內消將絕嗣婢妾得志滅君德失夫人

荆州占曰日蝕四傍殃諸侯王有死者期在三年之

中

漢光武元年五月乙巳晦日有蝕之從傍左明年丞

相公孫弘薨

日蝕中分日蝕不盡三毀三復

京房曰諸侯越戡征伐與上分威則日蝕中分
荊州占曰日蝕中分五年其國亡一曰二年亡
日蝕有七其國者少半蝕少半亡半蝕半亡
甘氏曰日蝕過半必有亡國期一年

日蝕不尽有失地一曰強國有逐相
京氏曰日蝕不尽相有出走者期八十日

董仲舒災異對曰諸侯不承天子命自相侵伐則日
蝕三毀三復

日蝕既

河圖曰日蝕尽者王位也不尽者大臣位也近期三
月遠期三年

春秋感精符曰日蝕既則破陰謀黜豪傑備也輔王
易號候天下外慎寇內慎下

君行无常公輔不德夷強狄侵万事錯日蝕既也
孝經內記曰日朔蝕既天絕晦蝕既地絕先晦蝕既
人絕

石氏曰日蝕盡其國大人亡不尽相去
京房易傳曰七師茲謂不禦厥異日蝕其蝕既也君

臣不通茲謂亡厥蝕三既弒君獲位茲謂逆厥蝕
既先風雨折本日赤又曰日蝕地折

董仲舒曰前事已大後事將至者又大則日蝕既人君
自專祿不錫賜功臣則日蝕既而黑光反外之炤
也

亂臣賊子欲作逆弒君竊位則日蝕先風折樹

人君妬賢嫉能臣下謀上則日蝕既先兩電殺走

獸

洛書曰日蝕尽代者謂既也代者人君死子代之或

臣篡弒不尽者日虧也

春秋魯哀公二十四年秋七月甲子朔日有蝕之既

既尽也晉秦分也後十二年秦景公卒其弟車自

晉復于秦之應也

漢惠帝七年夏五月辛卯先晦日有蝕之既，尽也

亦周分秦野陰匿始起而犯盛陽其年八月惠帝

崩

呂后七年春正月己丑晦日有蝕之既在營室九

度為宮室中呂氏皇后曰此為我也明年呂后果

崩

甘氏曰日蝕尽天下大凶有亡國一曰必更土人主死近期二年不盡不失地者

京房曰君誅殺失理臣下有叛心則日蝕尽而光大散

又曰君臣見灾不改性國將亡則日蝕三尽也日蝕尽臣欲殺主一曰歲有夷王起一曰有喪

周宣王十有一年七月日蝕既望十三年陳桓公鯨卒弟也殺兄子代立

京房對灾異曰日蝕尽无光霧者亡其邑

京氏曰日蝕尽日宮不見直日音其国有喪

荆州占曰日蝕尽光此謂帝之殃三年之間其国必

亡

日蝕变色

京房易傳曰九日蝕其質赤黃黑而漸之者明臣侵君也日質赤黃而黑貫其中者此人君无威勢不行為臣下所輕故臣謀欲逐其君居其處也黃尚有中种之色故其咎也必竟謀不行君誅臣當誅

而不誅則君必失其位
日蝕赤質而黑漸之者此人君誅衆失理民持兵
去之其咎歆殺

日蝕赤質青黑之者為三公誅衆失理民亦持兵
去順受命征無道

日蝕黑而貫其中臣歆殺欺君不改期在九年必
殺矣

臣有伏兵將歆殺其君者日變白各十日而去則
日蝕矣

白青者弱赤者无知也強臣所緣上下必由此矣
黃赤者非臣所緣為

日蝕日光明先青赤白黑而蝕黑貫白中日明
此聖德之臣行兵誅罰小人左右不義之臣拉誅
小人天子所謂无命而狂與弑君同之蝕也後主
殺

酒无節茲謂荒厥蝕乍青乍黑乍赤乍白

日青並蝕唯命是爭誅

日赤並蝕自殺

日黃並赤蝕其下得土日白並蝕自殺
諸侯逆殺更立法度則蝕失掩之日形見也

日蝕而珥有雲衝之

京房妖占曰以甲乙有一珥而蝕東西南北有白雲
衝之天下有兵

日以甲乙有四珥而蝕有白雲冲出四角青雲交
貫中央天下有兵

日以丙丁二珥而蝕有黑雲冲出東西北天下有
兵

日以丙丁日有四珥而蝕下有黑雲冲出天下有
大水

日以戊己日有二珥而蝕上有青雲冲出東南西
北人主有喪

日以戊己有四珥而蝕有青雲冲出天子兵行
日以庚辛日有二珥而蝕從下始又有赤雲冲出
東西南北三邑兵作

日以庚辛有四珥而蝕從上始有赤雲出西方天
下有擊繫王

日以壬癸有二珥而蝕有黃雲冲出邑有土工之事

日以壬癸日有四珥而蝕有黃雲冲出天子亡

日有四珥從上而下天子起兵從下而上天子有

大喪

日以春二珥而蝕從下始大邑有死王

日以春三珥而蝕從上始大半天下邑有小兵重

以喪

日以春四珥而蝕從下始大半天下凶

日蝕而暈珥彗虹蜺

河菴曰日蝕而交暈貫日中兩軍爭後者勝將死之

荆州占曰日蝕其所從為測日蝕從中起而暈其兆

必亡國

京房妖占曰日以春暈三珥而蝕從上始天下有兵

日以春暈四珥而蝕從蝕所天下有大兵喪

洛書曰日蝕下有彗星氣如彗星諸侯不改不出十

二年國亡

日蝕如虹在日上者

甘氏曰日蝕如虹在日上此近臣謀上政不明不能見不出年

京氏曰日蝕轉為五色而蝕白虹見此嫡讓庶之蝕也後三年尊生无處

日蝕有雲氣在日傍

京氏曰日蝕有雲如坐人于上者主安居下臣安

洛書曰日蝕有黃雲中有伏龍周室以與之王受命也

日蝕傍有白虎守之大臣謀伺其君主不出三月

一曰三年

石氏曰日蝕如白虎守日者人君九族有伏謀乱君政以自成不救不出五年當有謀臣

日蝕有兔守之為乱臣逆君不出其年分兵起

京房曰日蝕如兔守日政令不由君或君不用賢降不下施則高為下深谷為陵發于冲

甘氏曰日蝕有如白兔守日者民當謀舉兵威乱三州其先見变不改不出其年兵行

日蝕有如群鳥

太公兵法曰兩鳥夾日名為天雞守日人君妻家謀
奪君處先教視君動靜欲行其志天先見變成之
也

天鏡曰日蝕有鳥夾之君當司謀防之急

日蝕而地鳴震裂

京房易傳曰內臣外向茲謂背厥蝕已矣而地中
鳴

日蝕盛中時黑乃食之從內地中鳴此京師諸侯
叛群下與上諸侯交亂法則之蝕後人君亡國臣

伏其殃

日蝕先地中鳴乃蝕在右居雲中西方无雲先

大風三日此宰相專公謀反之日蝕也後三年邪
人謀反

臣欲君主位茲謂不和厥蝕白青四方赤已蝕地
震人君荒

酒無節則日蝕乍青乍黑乍赤明日大雨發遽而
寒地震宮中溢水

日蝕後粟不解地必震不過旬中

諸侯更制茲謂叛厥蝕三蝕三復已而風地動專制之蝕光散左右寇三蝕三復已而風明日地必動是謂侯專制之變也後九年殺

日蝕地震一日震裂日白若中分日然見而寒乃

蝕左右發四正此方伯征誅過戢威上侵之蝕二

年殺

日蝕而寒風雨雹雷

京房易傳曰同姓上侵茲謂誣君厥蝕四方有雲中

央無雲其日大風

親伐之蝕日体而寒時明是不和自舉兵

日蝕其質黃者陽覺悟也寒後九十日必有誅戮

者

日蝕已寒飢陰疾多喪

日蝕大寒既並非一處蝕陽下平旦蝕發于對蝕

從外後中國大飢盜賊群居夷狄動心後九年諸

候乱

日蝕白氣先出半天乃蝕五色主大寒雲貫日有

旋風

日蝕先歟風三日乃蝕，右左四方並有雲，獨中央无雲，其日大寒，發于比，同姓諸侯侵蝕也。後九年殺。

宰相大臣同專權，日蝕先大風，日蝕時日居雲中，四方無雲也。

日蝕，疾風雨七日，折木乃蝕。既此，臣利其君之蝕也。五年內谷化為虫。

日蝕為亂，為兵。已蝕而風，是謂兵起。已蝕而雨，是為分殃。

已蝕而霧，群豪聚。已蝕而飛鳥不復，其卿

君疾，善下謀。上茲謂亂，厥蝕既先，兩電殺走獸，赤

質黃貫其中。此君不肯用貴，而任小人政教，君心

遂

君縱欲，茲謂不明。厥蝕先大雨三日，兩降而寒，既

蝕

日蝕而雷，主國亡。

日蝕而星墜，蝕尽晦而星見。

京房曰：日蝕星墜，復上此賦，歛重教，下竭之蝕九年。

年殺殘重賦

人君貪日蝕而星墜前下也

日蝕見星臣弑君

日與月俱蝕

洛書曰日月俱蝕有亡國月先即陰國當之日先即

陽國當之蝕陽男受之蝕陰女受之

魏氏曰日月俱蝕國亡一月三蝕主亡

大唐開元占經卷之九

大德堂

大唐開元占經卷之十

日四時蝕

春秋左傳曰魯昭公二十一年秋七月壬午朔日有

蝕之公問梓慎曰是何物曰禍福何為

對曰二分二至日有蝕之不為災日月之行也分

周交道也至相遇也其他則為災陽不克也故常

為水

甘氏曰日者人主之象故王者服道不道施德不德
日為之變見道不明德薄日无之无光無德日乃

大德堂
盡蝕春蝕大凶國有女喪

夏蝕無年諸侯王多死者

秋蝕有兵戰勝主死

冬蝕有喪一曰死相

春丙丁夏庚辛秋壬癸冬甲乙日蝕者皆相死凡

蝕三日內有雨則解之

春庚辛夏壬癸秋丙丁冬戊己日蝕皆臣下之殺

君也一曰以德令除咎

京氏曰日冬蝕相死不即有逐

荆州占曰日夏蝕陽為南國陰為北國是為禍國

卓曰以十二月蝕

正月日蝕京房易傳曰大臣出走不然大臣有死
之者

石氏曰正月日蝕不見光人多疾

陳卓曰正月日蝕齊大凶五穀貴

武密曰內兵大起人民流亡

二月日蝕人主災人死不然大旱

石氏曰二月日蝕不見光人喪

陳卓曰魯大凶豆貴人死

三月日蝕京房易傳曰三月日蝕有欲反者近期

三月遠三年武密曰有旱飢

石氏曰三月日蝕不見光水大歲荒

陳卓曰楚大凶絲綿布帛大貴

四月日蝕京房易傳曰人主有過臣有憂

石氏曰四月日蝕无光天下大早有疾

陳卓曰宋大凶牛食貴六畜死

五月日蝕京房易傳曰諸侯多死期三年

石氏曰五月日蝕不見光大旱民飢

陳卓曰梁大凶牛死畜貴兵起東北

六月日蝕京房易傳曰人主有謀外國侵土地分

石氏曰六月日蝕不見光六畜貴陳卓曰沛人大凶

稻米谷粟大貴大臣死

七月日蝕京房易傳曰有反者從內起期三年

石氏曰七月日蝕不見光其歲惡秦國惡之

陳卓曰陳大凶繒帛貴兵起人流亡主有大水壞城

郭

八月日蝕京房易傳曰大水敗城郭天下更始期

三年

石氏曰八月日蝕不見光兵火起歲飢陳

陳卓曰鄭大凶兵起兵革金貴

九月日蝕京房易傳曰外主欲自立不成期一年

石氏曰九月日蝕不見光布帛貴衛分大惡

陳卓曰韓大凶鹽貴女工貴飢疫

十月日蝕京房曰奸臣在朝二人親一人遠陵君

君走

石氏曰十月日蝕不見光六畜貴又曰魏國凶魚鹽

貴冬旱

陳卓曰秦分凶魚鹽大貴

十一月日蝕京房易傳曰王者凶地子弑父

石氏曰十一月日蝕不見光魚鹽貴

又曰趙國大凶惡

又曰糴貴牛死人畜俱疫

陳卓曰燕國分大凶魚鹽貴

十二月日蝕京房曰天下有兵大臣欲自立不成

夫人弑君也

石氏曰十二月日蝕不見光谷粟貴燕凶牛死

陳卓曰趙國大凶薄貴水灾麦不收

京房易傳曰日以十二月正月日蝕破為兩以上王

者盡走

日六甲蝕

春甲夏丙秋庚冬壬四季戊皆為人主當之春乙夏

丁秋辛冬癸四季己女主當之

甘氏曰甲乙日蝕東夷侵丙丁日蝕南夷侵

日蝕以甲乙四海之外不占蝕以丙丁江淮海岱

戊己中州河濟庚辛華山以西壬癸恒山以北分

君當之

甲子日蝕春秋潛潭巴曰有兵狄強起

京房曰北夷歆殺中國臣有謀不成者大水在東

方

乙丑日蝕潛潭巴曰大旱大夫執綱

京房曰諸侯之臣歆弑其君在西北兵行不勝後

有小兵五谷頗虫傷

大德堂

丙寅日蝕潛潭巴曰虫久旱多水微

京房曰司徒歆弒君後有小旱在東南

丁卯日蝕潛潭巴曰旱有兵起

京房曰諸侯諸侯歆弒君在北方後有蝗虫之殃

有小旱在東南

戊辰日蝕潛潭巴曰地動陰強

京房曰同姓近臣歆蔽君後有地動之變在東南

方

己巳日蝕潛潭巴曰地動火災數降

京房曰婚姻家歆弒君後有諸侯謀兵在西南之

方起

庚午日蝕後火燒后宮有兵行

京房曰司徒歆弒其君必有兵行後有大旱在南方

方

辛未日蝕潛潭巴曰大水湯

京房曰司空歆弒其君後有大旱在南方東方

壬申日蝕潛潭巴曰水盛湯潰陰歆朔

京房曰諸侯相殺在東北方後有小兵寇盜賊並

行

癸酉日蝕潜潭巴曰連陰不解有霽雨數出有大兵

起

京房曰上強天下謀兵不出其年有大兵行始于

西方

甲戌日蝕潜潭巴曰草木不滋主令不行

京房曰近臣欲弑君反為戮辱後有小旱在西南

方

乙亥日蝕潜潭巴曰陽不明冬无水東國兵

京房曰子欲弑父身獲虜後有陰雨一曰蝕陰天

下大乱

丙子日蝕潜潭巴曰五月大霜為灾

京房曰諸侯欲相殺兵必行在東方後有大水

丁丑日蝕潜潭巴曰誅三公

京房曰諸侯近臣欲弑其君在東西北方後有小

兵

戊寅日蝕潜潭巴曰天下大風園无菓

京房曰異姓近臣欲弑其君後歲旱土沸騰

巳卯日蝕潛潭巴曰盜賊起砂石踊以有壅

京房曰東夷欲殺後有大虫

庚辰日蝕潛潭巴曰彗星東出有鬼兵旱

京房曰君易賢以剛卒以自傷後有水在東北

辛巳日蝕潛潭巴曰妃謀王子用兵

京房曰諸侯外親欲殺其君兵行暴至期冲兵起

西北

壬午日蝕潛潭巴曰久雨旬望

京房曰三公與諸侯相賊弱其君王天應而蝕三

公失國後旱且水

癸未日蝕潛潭巴曰仁義不明

京房曰諸上侵下臣欲弑其君在東北之方後有

小虫

甲申日蝕潛潭巴曰有虫四月大雷霜

京房曰司馬大夫欲弑君後有小水

乙酉日蝕潛潭巴曰仁義不明賢人退消

京房曰君弱臣強諸侯司馬將兵反征其王

丙戌日蝕潛潭巴曰臣憎主誅不理多冤訟

京房曰同姓近臣欲弑其君後有大旱火從天而
墮

丁亥日蝕潛潭巴曰匿謀滿王堂
京房曰君臣無別司馬牧民司徒將兵後有虫在
西北方

戊子日蝕潛潭巴曰宮室內瑤必感雄有憂

京房曰妻欲害夫九族夷滅後有大水在東方
已丑日蝕潛潭巴曰臣伐其主天下皆亡民憂

京房曰婚家欲弑後有小兵在西方

庚寅日蝕潛潭巴曰相誅大水多死傷

京房曰臣欲將兵誅過賊身被刑殺後有小旱在
東南方骨肉相殘

辛卯日蝕潛潭巴曰臣伐其主

京房曰天子微弱諸侯謀兵欲弑其主卒反得其
殃後有小虫在東方

壬辰日蝕潛潭巴曰河決海溢久霜連陰

京房曰諸侯欲弑其君當誅日後蝕之後有大水
在東方

癸巳日蝕潛潭巴曰在陽者叔不行

京房曰諸侯隔絕專柄伐兵稍出

甲午日蝕潛潭巴曰大陳虫螟蝗與主貪暴民流亡

京房曰南夷欲弑其君後有大旱

乙未日蝕潛潭巴曰天下多邪氣鬱養蒼

京房曰君責中庶暴虐黎民背叛後有地動

丙申日蝕潛潭巴曰諸侯相攻夷狄內侵旱

京房曰君暴死臣下橫恣上下相賊後有大水

丁酉日蝕潛潭巴曰候侵王

甲京房曰諸侯之臣欲弑其主身反獲後有大兵起

于西北

戊戌日蝕潛潭巴曰有殃主后死天下諒陰

京房曰婚姻家欲弑後有旱馬驟運

己亥日蝕潛潭巴曰小人用事

京房曰主弱小人用事持政慈心成天應日蝕誠

使精

庚子日蝕潛潭巴曰君疑其男

京房曰庶子欲殺嫡卒不得守臣征伐後有大水

辛丑日蝕潛潭巴曰主疑臣三公有免黜者

京房曰賢者離散小人盛常欲弑主

壬寅日蝕潛潭巴曰天下苦兵大起臣橫

京房曰諸侯欲弑主及亡其國在東後有小旱在

東南

癸卯日蝕潛潭巴曰群鳥翔禽入國外伐內主危亡

京房曰諸侯非其君不順天子司徒亡國後有大

虫

甲辰日蝕潛潭巴曰四騎爵

京房曰王后爵命絕後有水

乙巳日蝕潛潭巴曰東國發兵

京房曰諸侯上侵以自益近盜竊為蓄積天子不

知日為之變

丙午日蝕潛潭巴曰民多流亡

京房曰親戚爭嗣同姓欲弑其主後有大旱在南

方

乙未日蝕潛潭巴曰王者崩

京房曰執政欲弑司徒不肖後有虫地震動

戊申日蝕潛潭巴曰地動搖宮室搖侵

京房曰臣欲弑君意在王位後必有小水又曰諸
侯爭

己酉日蝕潛潭巴曰妃死子不葬以內亂相怨疑

京房曰西夷欲弑君後有大兵必西行

庚戌日蝕潛潭巴曰臣相侵

京房曰司馬之卿欲殺有小旱

辛亥日蝕潛潭巴曰女謀王女主憂

京房曰司馬之大夫欲弑君反受其殃後必有虫

害

壬子日蝕潛潭巴曰女謀王女主憂

京房曰諸侯同姓任政者欲弑其君大夫害

癸丑日蝕潛潭巴曰水潦

京房曰寇盜行兵恐君王日為不明

甲寅日蝕潛潭巴曰雷擊殺人骨肉爭功

京房曰同姓大臣欲弑其君後有旱

乙卯日蝕潛潭巴曰雷不行霜不殺草長人入宮

京房曰必有專政欲殺不出三年身被其誅後有

大虫

丙辰日蝕潜潭巴曰山水溢

京房曰帝命之極武王乃得

丁巳日蝕潜潭巴曰下有聚兵

京房曰天乃去惡依聖人後有小兵

戊午日蝕久旱谷不傷

京房曰有婚嫁執政賊由妻始後有旱

己未日蝕失君王失土

京房曰己未日蝕臣不安居群陰謀欲侵後地大

動

庚申日蝕潜潭巴曰夷狄內攘

京房曰骨肉相賊後有水

辛酉日蝕潜潭巴曰女謁且與奸邪欲起

京房曰昆弟相殺更有國家後有兵大乱三年不

息

壬戌日蝕潜潭巴曰山崩小人用事

京房曰諸侯欲殺西南

癸亥日蝕潜潭巴曰大人崩王者憂之

京房曰天下命終有聖人更起不可

止後大

水雨

日以十二辰蝕

感精符曰日蝕寅卯辰木域招謀者司徒也

日蝕巳午未火域招謀者太子也

日蝕申酉戌金域招謀者司馬也

日蝕亥子丑水域招謀者司空也

一曰子日兵起丑寅卯日旱辰兵巳火午兵未水

申酉兵戌旱亥佞用

按端謀人卒難別故以時初畧其官位南方陽精

也為君、城有異雉子屬也

孝經雌雄篇曰子日日蝕者燕國王死期在五月十

一月

丑日日蝕者趙國王死期在六月十二月

寅日日蝕者齊國王死期在七月正月

卯日日蝕者魯國王死期在八月二月

辰日日蝕其期在九月三月魏氏曰越王死

巳日日蝕宋國王死期在十月四月

午日日蝕者梁國王死期在十月四月

未日日蝕者沛國王死期在六月十二月

申日日蝕者陳國王死期在七月正月

酉日日蝕者鄭國王死期在八月二月魏氏曰吳

王死

戌日日蝕者韓衛王死期在九月三月

亥日日蝕者秦未王死期在十月四月

日在二十八宿蝕

日在角蝕黃帝占曰將吏有憂國閉四門其邦凶之

乱

井氏曰日在角北而蝕戒之在耕田之臣

京氏曰日蝕角中其國不安一曰貴臣有憂一曰

主農之官憂

日蝕亢中感精符曰其邦君有憂石氏曰其謀臣在

朝廷之臣自罪者

日蝕氐中黃帝占曰天子疾崩

石氏曰卿相讒謔人君滅无辜

日蝕井氏曰日在氐房而蝕戒之在三公九卿大夫且

有相譖誤王上使過刑殺不辜者又曰大官惡之

一曰右宮惡之主者復禮以赦除之

日入房而蝕王者有憂昏亂大臣專權必有憂病

雜書說微示曰淫色信讒日以蝕房參

郝萌曰日在房心而蝕公卿大夫有黜者

日在心蝕感精符曰兵喪並起

甘氏曰王者臣下相疑不相信

一曰政令失儀禮度失繩則為變甚又曰君臣不

相信各有疑惑

海中占曰兵喪並發王者以赦除咎

日蝕尾箕中感精符曰尊后有憂

甘氏曰將有疾風飛車發屋折木戒之于出入

日蝕斗感精符曰將相有憂憂其國蝕函一曰兵大

起甘氏曰其國反叛兵起

日在牛蝕戒之在后夫人姪婦且有祠禮以求幸于

主者

日蝕須女感精符曰邦有女主憂天下女工不為

甘氏曰戒之宮中且有使符祝禱祝以求貴幸者

戒之在于巫祝

日蝕虛中黃帝占曰其邦有崩喪天下改服期九十
日內
甘氏曰日在虛危戒之在于主市租稅及繒帛器
物刀劍金玉之陳如少府是

日蝕危中甘氏曰不有兵喪必有大臣囊而天下改
服

日在營室離宮而蝕出入无禁妃色起任輔成功業
感精符曰王者自將兵天下擾動

甘氏曰日營室東壁而蝕則陽消微男以道施而
不能弛陰道還而不能凝化故多有傷敗者
日在東壁而蝕石氏曰王者不從師友失忠孝故曰
虧文章尚書不用

日蝕于奎南感精符曰邦不寧有白衣之會石氏曰
魯國凶邦君不安

甘氏曰日在奎婁慎之邊境厩庫之臣一曰慎在
邊境得意之臣

日蝕婁度感精符曰王者郊祀不時天下不和神灵
不享小臣不忠責在大臣甘氏曰戒之在聚斂之

也

日在胃而蝕黃帝占曰王者食大絕或亡主委輸之
臣有黜者

感精符曰国王奉修宗廟敬祀神灵則害消石氏

曰国有憂大臣誅

一曰主修郊廟奉皇天其咎消

甘氏曰戒之在主委輸之臣如今之大司農是也

日蝕昴度感精符曰王宗謀國同姓自立

石氏曰臣死國圖者解王者有疾

甘氏曰日在昴畢而蝕戒之在衆主獄之臣有亂

天子者

日蝕畢日中感精符曰王死邊軍自殺其將苦軍

校尉誅遠國謀亂

石氏曰天下主獄之臣有當黜之

日蝕觜感精符曰臣殺主慎之石氏曰大將謀議

甘氏曰日在觜參伐而蝕戒之任兵將之臣如今

諸將軍校尉批金吾是也

日蝕參感精符曰大臣有憂近臣自相弑戮以外勝

內遠國強王者修身則日蝕不為災

甘氏曰日在參伐而蝕戒之在將帥之臣

日蝕東井秦邦不臣蝕不及謀不成天下大旱民流
千里陳卓曰其國內亂

甘氏曰日在東井之輿鬼蝕戒之在供奉之臣應
之也

苛法盛懸象說曰晉咸和二年五月甲申朔日在
東井蝕女主之象

明年皇太后以憂逼崩

日蝕輿鬼感精符曰其國君不寧臣下易服一曰秦
君當之一曰皇后貴臣

甘氏曰其國君不寧近期一年遠三年

日柳度中蝕感精符曰王者以疾不安宮室

石氏曰若厨官憂

甘氏曰日在柳七星而蝕戒之在門戶道橋之臣
若今衛尉是也

日在七星蝕虧正陽王者不賜衣裳承天知退太常
放在獄則无咎

石氏曰橋門之臣有黜者

日在張蝕感精符曰王者失礼宗廟不親急退太常

以廷尉代之不者不安期在十一月五月

甘氏曰戒之在主山澤汙池之人臣如今之水衡

也

日蝕于翌王者退太常以法官代之有德令則日蝕

不為害其年旱

石氏曰王者失礼宗廟不親

甘氏曰忠臣見譖言正者亡不出其年

又曰日在翼軫而蝕戒之在主車駕之臣如今太

僕奉車駟馬

日蝕軫聖洽符曰国有喪以赦除其咎

甘氏曰貴臣亡后不安期百八十日

海中占曰王侯壽絕王者以赦除咎則安一曰其

国有憂必有喪事

救日蝕

感精符曰救日蝕天子南面東圖書察九野萌生者

絕始正本案類勅下聞異郡宮修政招賢進士独

之其萌所以防塞之者故以日蝕大水則鼓用牲
于社

言社者陰之至朱系索社鳴鼓賣之

按左氏傳曰莊公二十五年六月辛未朔日有蝕
之鼓用牲于社非常也唯正月

朔未作日有蝕之于是乎用幣于社伐鼓于朝教

大水鼓用牲于門亦非常也九天下灾有幣无牲

文公十五六月辛丑朔日有蝕之

天子不舉伐鼓于社諸侯用幣于社伐鼓于朝以

昭事神訓民事亦有苛威古之道也

感精符曰消變之道案明坛南郊之日將蝕漸青

黑謹遣大將三八如變所感之過以告天子天子

臣其謹承皇戒退避正居思行譬誤陽精有蔽已

政類素正事去非釋苛禁不敢直命遣臣啟喻已

絕國害之謫近以緒尽乃宣文思維表道願得修

政以奉宗祖追徃翼今勉開嘉絕縱天揚精以與

日室歸報

天子三日就宮遣使詔諸侯問過奉名士察奸理

免

督教化不宣者審以勅身務佐為行天子吉

又曰朔日蝕正臣陰退后妃以內過省已蝕二日

者王候藩黜

州輔以暴恣自改晦日蝕者正近臣退素食

周禮地官司徒曰救日蝕則詔王鼓

鄭玄曰救日月蝕天子親擊鼓

禮記昏義曰男教不修陽事不得適見于天日為

之蝕是故日蝕則天子素服修六宮之職蕩天下

陽事

鄭玄曰適之言責也

谷梁傳曰日有蝕之鼓用牲于社鼓禮也用牲非禮

也

天子救日蝕置五麾陳五兵五鼓

諸侯置三麾陳三兵三鼓大夫擊門士擊杵

言救隆殺多少六禮也

門取開闔有陰陽之道杵椿深盛之具亦有上下

陰陽也

星傳曰日者德月者刑日蝕修德月蝕修刑
洪範天文曰九日蝕改行修德即災消除不改應
在三年三年不改至六年六年不改至九年而災
成
司馬彪五行志曰君道有虧為陰所乘故日蝕者則
陽不克也

人君改過修德其事則害除

京房對災異曰人君驕溢專明為陰所侵則有日蝕
之災不救也則有日蝕之災不救也必有篡位之

萌其救也

君懷謙虛下賢受諫位有德祿有智日蝕災消

又曰日蝕既下謀上也其殺設七事

正書修經術改惡為化已隨賢則國家安社稷
寧

董仲舒對災異曰日蝕者陰氣盛漸奪君明治
道有失

臣專君政出入為奸則治道枉上德不宣下民常
怨當應析罷臣之勢裁王室之權无忽諫言大忠

在于任賢則災害不生也

又曰日蝕者邪臣蔽主之治不有反臣必有亡國
退臣絕陰正叔平衡以德消則無害

荆州占曰日蝕灾所始蝕之鄉及星之野以名之當
者之國吉凶在焉

是故聖王見變則改身修行親賢問者每吉憂之
則患可止而福可致

故曰有福將來受之以危則福為禍禍將來受之
以德則禍反為福輒禳祠之去禍致福也

贊虞曰九救日蝕者皆著憤以助陽日將蝕天子素

服避正殿內外嚴警

天文灵台伺日有變便伐鼓聞鼓音侍臣皆赤憤
帶劍則灾異消

大唐開元占經卷之十終

書